

«ՀԱՍՏԱՏՎԱԾ Է»

ՀՀ ոստիկանության կրթահամալիրի
գիտական խորհրդի 11.02. 2015 թ. թիվ 2 նիստում:

ՀՀ ոստիկանության կրթահամալիրի
գիտական խորհրդի նախագահ,
ոստիկանության գեներալ-լեյտենանտ
ՀՈՎՀ. ՎԱՐՅԱՆ

<<____>>_____2015թ.

Կ Ա Ր Գ

ՀՀ ոստիկանության կրթահամալիրից սովորողների ազատման
ուսումնառության ընդհատման, վերականգման և տեղափոխման

I. Ընդհանուր դրույթներ

1. ՀՀ ոստիկանության կրթահամալիրից սովորողների ազատման ուսումնառության ընդհատման, վերականգնման և տեղափոխման կարգով /այսուհետ՝ կարգ/ սահմանվում են ոստիկանության կրթահամալիրից /այսուհետ՝ Կրթահամալիր/ սովորողների ազատման, ուսումնառության ընդհատման, վերականգնման և առկա ուսուցումից հեռակա, այլ բուհից կրթահամալիր տեղափոխման կարգն ու պայմանները:

II. Կրթահամալիրից սովորողների ազատումը

2. ՀՀ ոստիկանության պետի հրամանով Կրթահամալիրից ոստիկանության ծառայող սովորողն ազատվում է.

1) <<Ոստիկանությունում ծառայության մասին>> Հայաստանի Հանրապետության օրենքի 45-րդ հոդվածով նախատեսված դեպքերում,

2) անհարգելի բացակայությունների համար (այդ թվում՝ պրակտիկայից և ստաժավորումից),

3. Կրթահամալիրի պետի հրամանով Կրթահամալիրից սովորողն ազատվում է՝

1) անբավարար առաջադիմության պատճառով՝

ա. քննաշրջանի ընթացքում դիֆերենցված ստուգարքից, քննությունից, կուրսային աշխատանքի պաշտպանությունից, ստաժավորման, պրակտիկայի, պրակտիկումի պաշտպանությունից կամ ստուգարքից ստացել է երեք անբավարար գնահատական (չստուգված).

բ. 3-րդ կետի ա. պարբերությունով նախատեսված ստուգման նույն ձևից երեք անգամ ստացել է անբավարար գնահատական (չստուգված).

գ. ստացել է անբավարար (չստուգված) ակադեմիական տարբերությունից(պարտք):

2) անձնական նախաձեռնությամբ՝ կրթահամալիրից ազատվելու վերաբերյալ գրավոր գեկուցագրի (դիմումի) հիման վրա,

3) վճարովի ուսուցման սովորողները նաև պայմանագրային պարտավորությունները չկատարելու, մահվան դեպքերում,

4) (4-րդ ենթակետը ուժը կորցրած է ճանաչվել գիտական խորհրդի 12.02.2019թ. որոշմամբ, արձ. թիվ 2)

5) այլ ուսումնական հաստատություն տեղափոխման դեպքում,

6) ակադեմիական արձակուրդի ժամկետը լրանալուց հետո 10 օրյա ժամկետում անհարգելի պատճառով չներկայանալու դեպքում,

(6-րդ ենթակետը փոփոխվել է գիտական խորհրդի 12.02.2019թ. որոշմամբ, արձ. թիվ 2)

7) վճարովի ուսուցման սովորողները նաև օրինական ուժի մեջ մտած դատավճով ազատագրված հետ կապված պատժի դատապարտման դեպքում:

(7-րդ ենթակետը փոփոխվել է գիտական խորհրդի 12.02.2019թ. որոշմամբ, արձ. թիվ 2)

3.1. Կրթահամալիրի պետի հրամանով սովորողը Կրթահամալիրից կարող է ազատվել նաև Կրթահամալիրի ներքին կարգապահական կանոնների խախտման դեպքում:

4. Ասպիրանտուրայի հեռակա ուսուցման սովորողը կրթահամալիրից ազատվում է՝

1) սույն կարգի 2-րդ կետի 1-ին և 2-րդ ենթակետերով, 3-րդ կետի 2-րդ և 5-րդ ենթակետերով և 3.1 կետով նախատեսված դեպքերում,

(1-ին ենթակետը փոփոխվել է գիտական խորհրդի 12.02.2019թ. որոշմամբ, արձ. թիվ 2)

2) ատեստավորումը չանցնելու դեպքում:

5. Կրթահամալիրից սովորողի ազատման մասին հրամանը տրվում է կրթահամալիրի պետի կողմից: Ոստիկանության ծառայող սովորողի ազատման հիմքերը և հրամանի մեկ օրինակը ուղարկվում է ոստիկանության կադրային ստորաբաժանում:

6. Կրթահամալիրի ներքին կարգապահական կանոնների կոպիտ խախտման հիմքով ոստիկանության ծառայող սովորողի կրթահամալիրից ազատելու մասին հրամանը տրվում է ՀՀ ոստիկանության պետի կողմից:

7. <<Ոստիկանությունում ծառայության մասին>> Հայաստանի Հանրապետության օրենքի 45-րդ հոդվածի հիմքերով կրթահամալիրի սովորողին ոստիկանությունում ծառայությունից ազատելու դեպքում ՀՀ ոստիկանության համապատասխան կադրային ստորաբաժանումը կրթահամալիր է ուղարկում ազատման մասին հրամանի պատճենը, որի հիման վրա սովորողն ազատվում է կրթահամալիրից:

III. Կրթահամալիրի սովորողների ուսումնառության ընդհատումը

8. Կրթահամալիրի սովորողի ուսումնառությունը ընդհատվում է.

1) առողջական վիճակի պատճառով,

2) հղիության և ծննդաբերության, ինչպես նաև մինչև 3 տարեկան երեխայի խնամքի դեպքում:

3) վճարովի ուսուցման սովորողի՝ ժամկետային զինծառայության զորակոչվելու դեպքում:

9. Սույն կարգի 8-րդ կետով նախատեսված դեպքերում (համապատասխան փաստաթղթերով հիմնավորված) սովորողի զեկուցագրի (դիմում) հիման վրա կրթահամալիրի պետի հրամանով ձևակերպվում է ակադեմիական արձակուրդ՝ օրենսդրությամբ սահմանված ժամկետներում, որի ավարտից հետո սովորողը կարող է շարունակել ուսումնառությունը նույն կուրսում:

10. Ուսումնառության ժամանակահատվածում սովորողը կարող է ձևակերպել ակադեմիական արձակուրդ ոչ ավել, քան մեկ անգամ:

IV. Սովորողների վերականգնում

11. Կրթահամալիրից ազատված սովորողների ուսանողական իրավունքներն իրենց զեկուցագրի (դիմումի) հիման վրա, որին կցվում է ակադեմիական տեղեկանքը կամ ստուգման գրքույկի պատճենը, անվճար ուսուցման ձևերում կարող են վերականգնվել ՀՀ ոստիկանության պետի հրամանով՝ կրթահամալիրի գիտական խորհրդի միջնորդությամբ: Վերականգնման մասին ՀՀ ոստիկանության պետի հրամանի հիման վրա ՀՀ ոստիկանության կրթահամալիրի պետի հրամանով ընդգրկվում է տվյալ կուրսի համապատասխան դասակում:

(11-րդ կետը փոփոխվել է գիտական խորհրդի 12.02.2019թ. որոշմամբ, արձ. թիվ 2)

12. Կրթահամալիրից ազատված սովորողների ուսանողական իրավունքներն իրենց դիմումի հիման վրա, որին կցվում է ակադեմիական տեղեկանքը կամ ստուգման գրքույկի պատճենը, վճարովի ուսուցման ձևերում կարող են վերականգնվել կրթահամալիրի գիտական խորհրդի միջնորդությամբ՝ ՀՀ ոստիկանության կրթահամալիրի պետի հրամանով՝ նշելով

կուրսը և խումբը: Վերականգնման հրամանագրումը կատարվում է ուսման վարձը վճարելուց հետո:

(12-րդ կետը փոփոխվել է գիտական խորհրդի 12.02.2019թ. որոշմամբ, արձ. թիվ 2)

13. Վերականգնված սովորողի անձնական գործում պահվում են սովորողի դիմումը, ակադեմիական տեղեկանքը, վերականգնման մասին հրամանի պատճենը, բուհի հետ կնքած պայմանագիրը, միջնակարգ կրթության կամ միջին մասնագիտական կրթության ավարտական վկայականը, ուսման վարձի վճարման անդորրագիրը:

14. Ուսանողական իրավունքների վերականգնման դիմումները ներկայացվում են կիսամյակների ուսումնական պարապմունքներին նախորդող և հաջորդող երկու շաբաթների ընթացքում, իսկ հեռակա համակարգում՝ կիսամյակների ուսումնական պարապմունքներին նախորդող երեք շաբաթների ընթացքում:

(14-րդ կետը փոփոխվել է գիտական խորհրդի 31.08.2015թ. որոշմամբ, արձ. թիվ 4)

15. Վերականգնման դիմումը (զեկուցագիրը) ներկայացնելու պահին ուստիկանության ծառայող չհանդիսացող սովորողների ուսանողական իրավունքների վերականգնման նյութերը պատրաստվում են կրթահամալիրի, իսկ ուստիկանության ծառայող հանդիսացող սովորողների ուսանողական իրավունքների վերականգնման նյութերը՝ ուստիկանության կադրային ստորաբաժանման կողմից:

(15-րդ կետը փոփոխվել է գիտական խորհրդի 12.02.2019թ. որոշմամբ, արձ. թիվ 2)

16. Ազատված սովորողը, որպես կանոն, վերականգնվում է այն կիսամյակում, որից նա ազատվել է, եթե վերականգնման պահին առարկայական անհամապատասխանություններով պայմանավորված կրեդիտների, առարկաների (մոդուլների) գումարային քանակը չի գերազանցում օրենսդրությամբ սահմանված չափը: Գերազանցելու դեպքում սովորողին առաջարկվում է վերականգնվել ավելի ցածր կիսամյակում՝ բացառությամբ առաջին կուրսի առաջին կիսամյակի:

17. Մեկ կամ երկու ակադեմիական պարտք ունեցող սովորողը կարող է վերականգնվել հաջորդ կիսամյակում (կուրսում), եթե նա մինչև տվյալ կիսամյակի քննաշրջանի սկիզբը կրթահամալիրի պետի հրամանով ձևավորված հանձնաժողովին հանձնում է անհատական ժամանակացույցով սահմանված ակադեմիական պարտքերը:

V. Կրթահամալիրում սովորողների տեղափոխումն առկա ուսուցումից հեռակա ուսուցման

18. Առկա ուսուցումից հեռակա ուսուցման տեղափոխությունը կատարվում է քննաշրջանի ավարտից հետո տվյալ կուրսում ազատ տեղերի առկայության դեպքում՝ սովորողի զեկուցագրի հիման վրա (որին կցվում են ակադեմիական և հեռակա ուսուցման ֆակուլտետի ուսումնասիրության արդյունքների և առաջարկությունների վերաբերյալ տեղեկանքները)՝ կրթահամալիրի և ՀՀ ուստիկանության համապատասխան ստորաբաժանման պետի համաձայնությամբ:

19. Կրթահամալիրի պետը տեղափոխման վերաբերյալ կարող է համաձայնություն տալ՝ հեռակա ուսուցման ֆակուլտետի ուսումնասիրության արդյունքներով՝ սովորողի տեղափոխման վերաբերյալ առաջարկությունների հիման վրա: Առկա ուսուցման սովորողն ակադեմիական տեղեկանքը ներկայացվում է հեռակա ուսուցման ֆակուլտետ, որի հիման վրա ֆակուլտետն իրականացնում է ուսումնասիրություն՝ ազատ տեղերի առկայության և համապատասխան կիսամյակի(կուրս)վերաբերյալ:

20. ՀՀ ուստիկանության համապատասխան ստորաբաժանման պետի կողմից՝ սովորողին ուստիկանությունում կրտսեր խմբի պաշտոնում նշանակելու մասին հրամանի արձակումից հետո կրթահամալիրի պետի հրամանով սովորողը տեղափոխվում է հեռակա ուսուցում:

21. Մեկ կամ երկու ակադեմիական տարբերություն (պարտք) ունեցող սովորողը կարող է տեղափոխվել հեռակա ուսուցման հաջորդ կիսամյակ (կուրս), եթե նա մինչև տվյալ կիսամյակի քննաշրջանի սկիզբը կրթահամալիրի պետի հրամանով ձևավորված հանձնաժողովին

հանձնում է անհատական ժամանակացույցով սահմանված ակադեմիական տարբերությունները (պարտք):

22. Սովորողի զեկուցագիրը և նրա տեղափոխման մասին հրամանի պատճենը պահվում է նրա անձնական գործում:

23. Կրթահամալիրի առկա ուսուցումից հեռակա ուսուցման տեղափոխված սովորողին համապատասխան ֆակուլտետի կողմից տրվում է ստուգման գրքույկ:

24. Հի թույլատրվում հեռակա ուսուցումից սովորողի՝ առակա ուսուցման տեղափոխումը:

VI. Այլ բուհից կրթահամալիր սովորողի տեղափոխությունը

25. Կրթահամալիրի վճարովի ուսուցման համակարգ կարող են տեղափոխվել միայն պետական և ըստ մասնագիտությունների հավատարմագրված՝ կրթական ծրագրեր իրականացնող ոչ պետական բարձրագույն ուսումնական հաստատությունների սովորողները: Կրթահամալիրից այլ ուսումնական հաստատություն տեղափոխությունը կատարվում է ՀՀ օրենսդրությամբ սահմանված կարգով:

26. Տեղափոխության մասին սովորողների դիմումներն ընդունվում են համապատասխան ձևով ուսումնական կիսամյակների ուսումնական պարապմունքներին նախորդող և հաջորդող 2 շաբաթվա ընթացքում:

27. Ուսանողի տեղափոխությունը կրթահամալիր իրականացվում է պետին հասցեագրված դիմումի համաձայն, որին կցվում է սովորած բուհի կողմից տրամադրված ակադեմիական տեղեկանքը կամ ստուգման գրքույկի պատճենը: Հի թույլատրվում բակալավրի կրթական ծրագրով առաջին և ավարտական կուրսերում սովորողների տեղափոխությունը: Մագիստրոսի կրթական ծրագրով սովորողների տեղափոխությունը թույլատրվում է առաջին կիսամյակի ավարտից հետո:

28. Սովորողի տեղափոխությունը թույլատրվում է, եթե տեղափոխման պահին ուսումնառած ծրագրի և ընդունող ծրագրի բովանդակությունների տարբերությամբ պայմանավորված՝ առարկայական տարբերությունների թիվը չի գերազանցում 20 կրեդիտը: Հակառակ պարագայում սովորողին առաջարկվում է փոխադրվել ավելի ցածր կիսամյակում սովորելու, որի դեպքում առարկայական անհամապատասխանությունների նշված պահանջը բավարարվում է: Գոյացած ակադեմիական տարբերությունները ոչ ուշ, քան մինչև տվյալ կիսամյակի քննաշրջանի սկիզբը հանձնվում են կրթահամալիրի պետի՝ կցագրման հրամանով /ժամանակավոր հրամանագրում/ հաստատված անհատական ժամանակացույցով:

29. Օտարերկրյա բուհերից սովորողների տեղափոխության դեպքում հանձնման ենթակա ստուգարքների և քննությունների թվի մեջ չեն ներառվում հայագիտական առարկաները: Բացառություն են կազմում այն դեպքերը, երբ սովորողն օտարերկրյա բուհում, որպես մասնագիտական, ուսումնասիրել է հայագիտական առարկաներ:

30. Սովորողի տեղափոխությունը թույլատրվում է տվյալ մասնագիտության գծով լիցենզիայով հատկացված ընդունելության սահմանային տեղերի (ըստ ուսուցման ձևերի և որակավորման աստիճանների) շրջանակում:

31. Եթե տվյալ ազատ տեղին հավակնողների թիվը մեկից ավելի է, ապա կազմակերպվում է ատեստավորում և անց է կացվում մրցույթ, որտեղ առաջնահերթությունը տրվում է:

1) առավել բարձր միջին որակական գնահատական ունեցողին,

2) տվյալ մասնագիտության ընդհանուր մասնագիտական առարկաների միջին որակական գնահատական ունեցողին,

3) հավասար պայմանների դեպքում կատարվում է գիտելիքի ստուգում թեստավորման եղանակով:

32. Տեղափոխությունը կատարելիս պետք է պահպանել ուսումնական ծրագրերի միջև եղած տարբերությունը՝ մեկ ուսումնական տարին չգերազանցելու պարտադիր պահանջը:

33. Տեղափոխության մասին հրամանում կատարվում է հետևյալ գրառումը՝

տեղափոխման կարգով ընդունել/կցագրել/ _____ ֆակուլտետի

_____ մասնագիտության _____ կուրս՝ _____ ուսուցման ձևով,
վճարովի սկզբունքով>>:

34. Հրամանի 2-րդ ենթակետում նշվում են առաջացած ակադեմիական տարբերությունները (ակադեմիական պարտք) և հանձնման ժամկետը:

35. Կցագրված սովորողին թույլատրվում է մասնակցել համապատասխան խմբի ակադեմիական ուսումնական պարապմունքներին:

36. Տեղափոխվող սովորողին կրթահամալիրը տալիս է սահմանված նմուշի տեղեկանք (Ձև), որպեսզի իր նախկին բուհից ներկայացնի ազատման մասին հրամանի պատճենը, միջնակարգ կրթության ավարտական վկայականը, անձնական գործի և ընդունելության քննություններին առնչվող փաստաթղթերը: Սովորողը առձեռն ներկայացնում է կամ նախկին բուհը փոստով առաքում է նշված փաստաթղթերը, որից հետո կրթահամալիրում կազմվում է սովորողի նոր անձնական գործ:

37. Ակադեմիական տարբերությունները (ակադեմիական պարտք) հանձնելուց, պայմանագիրը կնքելուց, տվյալ կիսամյակի վարձավճարը մուծելուց և նախկին բուհից անհրաժեշտ փաստաթղթերը ներկայացնելուց հետո մեկ շաբաթվա ընթացքում, կրթահամալիրի պետի կողմից տրվում է հրաման:

38. Կրթահամալիրի պետը տեղափոխվող սովորողին տվյալ կիսամյակում ազատում է նախկինում ուսումնասիրած և համապատասխան կրեդիտներ հավաքած առանձին առարկաների ուսումնական պարապմունքներից:

39. Համապատասխան ստորաբաժանման կողմից սովորողին տրվում է նոր ուսանողական տոմս և ստուգման գրքույկ:

Ընդունող բուհի անկյունային կնիքը,
ամսաթիվը, գրանցման համարը
(կամ բուհի ձևաթուղթը)

Տեղեկանք

Տրվում է _____-ին՝ այն մասին, որ նրան
անուն, ազգանուն, հայրանունը
_____ կողմից տրված _____

բուհի լրիվ անվանումը _____

ակադեմիական տեղեկանքի (ստուգման գրքույկի պատճենը) և դիմումի համաձայն
թույլատրվել էր մասնակցելու ատեստավորման գործընթացին, որը հաջողությամբ
նա անցել է:

_____ -ը կիրամանագրվի
անուն, ազգանուն, հայրանուն
_____ ուսուցման

ընդունող բուհի և ուսումնական ստորաբաժանման լրիվ անվանումը առկա վճարովի
_____ կուրս

_____ մասնագիտության գծով, _____ սկզբունքով, ակադեմիական

տեղեկանք, միջնակարգ կրթության վկայականը, ներկայացնելուց հետո:

Կրթահամալիրի պետ _____
Կ.Տ.

<<____>> _____ 20 թ.